

Efnisyfirlit

Tillögur til 28. aðalfundar	2
Félag smábátæigenda á Austurlandi	2
Hrollaugur	3
Farsæll	5
Árborg.....	7
Reykjanes.....	8
Báran	9
Reykjavík.....	10
Sæljón.....	11
Snæfell.....	12
Krókur.....	14
Elding.....	17
Strandir.....	18
Skalli	20
Klettur.....	21
Fontur	22

Tillögur til 28. aðalfundar Landssambands smábátæigenda

Félag smábátæigenda á Austurlandi

*Aðalfundur Félags smábátæigenda á Austurlandi,
haldinn 26. september 2012, samþykkti eftirfarandi:*

1. Ýsukvóti verði aukinn um 14 þúsund tonn nú þegar.
2. Þorskkvóti verði aukinn í 230 þúsund tonn á yfirstandandi fiskveiðiári.
3. Að mótmæla því harðlega að tekin verði upp aflaregla í ýsu og ufsa.
4. Línuívilnun verði ekki skert og nái til allra dagróðrabáta (innan LS) sem róa með línu, enda komi veiðiheimildir til ívilnunar utan aflamarks.
5. Svæðaskipting strandveiða verði óbreytt.
6. Allar aflaheimildir til strandveiða verði teknar utan aflamarks.
7. Eignarhaldsákvæði um strandveiðar, í bátum / félagi, verði breytt þannig að eignarhlutur þess sem rær strandveiðibát verði að minnsta kosti 30%.
8. Veiðiheimildir til færaveiða á makríl verði að lágmarki 10 þúsund tonn.
9. Bátar sem hefja strandveiðar fái að segja sig frá þeim um mánaðamót. Þannig gæti hver strandveiðibátur hafið strandveiðar einu sinni og hætt aftur á einu af þremur mánaðamótum strandveiðitímabilsins. Þeir ættu ekki afturkvæmt í strandveiðarnar sama árið.

Þetta myndi m.a. leiða til þess að strandveiðibátar gætu stundað makrílveiðar seinnihluta sumars.

10. Hafrannsóknastofnunin rannsaki hvaða áhrif flottrollsveiðar hafi á stærð grásleppustofnsins.

11. Svar Félags smábátæigenda á Austurlandi við erindi stærðarmarkanefndar LS hvað varðar stækkun krókaflamarksbáta:

„Aðalfundurinn samþykkir samhljóða að ekki verði kvikað frá núverandi reglum um stærðarmörk krókaflamarksbáta”.

Hrollaugur

*Aðalfundur Hrollaug, félags smábátæigenda á Hornafirði,
haldinn 27. september 2012, samþykkti eftirfarandi:*

1. Hrollaugur óskar eftir því að LS beiti sér af fullum þunga að láta opna reglugerðarhólf fyrir línuveiðum út af Suðausturlandi (svokölluð keiluhólf).

Greinargerð.

Óvída umhverfis landið eru jafn stór svæði lokuð línuveiðum og fyrir Suðausturlandi í yfirsýni þess að verið sé að friða keilu. Lokanir þessar eru farnar að hamla línuveiðum á þessu svæði verulega. Innan hólfanna eru góð mið bæði þorsks og ýsu og keila í minnihluta aflans.

2. Hrollaugur leggur til að hámarkslengd krókabáta verði 14,99 m og stærð þeirra undir 30 brt.

Greinargerð.

Bátarnir verði rúmbetri fyrir mannskapinn.

Bátarnir verði öruggari á öllum sviðum.

Réttindamál smábátasjómannanna eru miðuð við 30 brt.

Stækkun mun auðvelda krókabátum að uppfylla væntanlega reglugerð frá Mast, þar sem heimilt verður að dæma afla ónýtan sé hitastig hans hærra en 4°C.

3. Makrílveiðar.

Hrollaugur ályktar að LS hafi það sem forgangsatriði að fá viðurkennt að makrílþottur sem er ætlaður til línu og handfæra verði stækkaður í 20.000 tonn.

Greinargerð.

Makrílveiðar á handfæri hafa verið stundaðar á tilraunastigi í nokkur ár.

Á sl. sumri stunduðu 17 bátar veiðar með góðum árangri. Ljóst er að mjög hagkvæmt er að veiða makríl á handfæri miðað við önnur veiðarfæri.

Gríðarlegur áhugi er fyrir þessum veiðum og margir hafa hug á þeim næsta sumar samtímis sem kaupendum af krókaveiddum makríl fer fjölgandi.

Ef fer sem horfir er ljóst að 845 tonna þottur, sem var í sumar, dugur engan veginn fyrir þann flota sem hyggst stunda veiðar næsta sumar.

Margvísleg rök eru fyrir makrílveiðum á handfæri, svo sem:

- i. umhverfisvænar veiðar,
- ii. hágæðahráefni,
- iii. atvinnuskapandi,
- iv. afla mikillar þekkingar um göngur makríls á grunnslóð umhverfis Ísland.

4. Hrollaugur samþykkir að línuviltun nái til allra dagróðrabáta, óháð beitingaraðferð.

Greinargerð.

Forðast ber reglur sem halda aftur af eðlilegri þróun og leiða til stöðunar í

greininni.

5. Hrollaugur leggur til að aflamagn til strandveiða verði takmarkað af eftirfarandi þáttum:
 1. eigandi verður að vera um borð,
 2. hámarksfjöldi handfærarúlla fjórar,
 3. svæðisskipting með óbreyttum hætti,
 4. heimilt að veiða fjóra daga í viku - mánudag til fimmtudags,
 5. hámarksafli í veiðiferð 650 þorskígildi,
 6. hámarkslengd veiðiferðar 14 klukkustundir.

Farsæll

Aðalfundur Farsæls, félags smábátæigenda í Vestmannaeyjum, haldinn 3. október 2012, samþykkti eftirfarandi:

1. Farsæll vill óbreytt stærðarmörk smábáta þ.e. 15 brt.
2. Farsæll vill að aflaheimildir til strandveiða skerði ekki afla- né krókaafلامark.
3. Farsæll vill að krókaafلامarksbátar fái keilu, löngu og karfa utan kvóta upp að 15-20%.
4. Farsæll ályktar að makrílpottur fyrir smábáta þ.e. báta undir 15 brt. verði aukinn í 18% af heildarafla í makríl, þ.e. að lágmarki 20.000 tonn í svipaðri fyrirmynd og þekkist erlendis, t.d. í Noregi.

Greinargerð.

Makrílveiðar á handfæri hafa verið stundaðar í nokkur ár. Þeir bátar sem stunduðu þessar veiðar á sl. fiskveiðiári gerðu það með mjög góðum árangri. Ljóst er að mjög hagkvæmt er að veiða makríl á handfæri miðað við önnur veiðarfæri. Mikill áhugi er fyrir þessum veiðum og mjög margir hafa hug á þeim á næsta ári. Samtímis því sem kaupendum sem hafa áhuga vegna gæða hans fer ört fjölgandi, mun úthlutun eins og hún hefur verið, engan veginn fullnægja þeirri þörf sem er fyrir þennan bátaflokk.

Helstu rök fyrir auknum veiðiheimildum til smábáta í makríl eru:

- Veiðarnar eru umhverfisvænar
- Þær skila hágæða hráefni
- Þær eru mannaflsfrekar - atvinnuskapandi
- Þær aflu mikillar þekkingar um göngur makríls á grunnslóð
- Makrill étur mikið af seiðum svo sem grásleppu-, þorsk- og ýsuseiðum, sandsíli, rauðátu, ljósátu og smásíld. Og ekki má gleyma laxaseiðum.

5. Farsæll ályktar að VS - aflri verði færður til fyrra horfs þ.e. í eitt tímabil á fiskveiðiárinu.
6. Farsæll vill láta endurskoða hlutdeild krókaafلامarksbáta í ýsu, löngu, keilu og karfa.

Greinargerð.

Krókaafلامarksbátar veiða umfram úthlutað aflamark í þessum tegundum og byggja mismuninn á að leigja til sín veiðiheimildir.

7. Farsæll krefst þess að byggðakvóti verði afnuminn í núverandi mynd og honum úthlutað með heildarafla.
8. Farsæll hafnar nógildandi lögum um veiðigjald.

Greinargerð.

Mikill samdráttur hefur orðið á aflaheimildum undanfarin ár og hefur þetta mikil áhrif á rekstur útgerðarinnar.

9. Farsæll skorar á atvinnuvega- og nýsköpunarráðherra að auka núverandi úthlutun í ýsu um 15000 tonn vegna mikillar ýsugengdar allsstaðar við landið.
10. Farsæll mótmælir aflareglu í ýsu og ufsa harðlega.
11. Farsæll vill að LS beiti sér áfram í því að komið verði upp veðurathugunarstöð á Reynisfjalli.
12. Farsæll ályktar að dregin veiðarfæri svo sem dragnót (snurvoð) verði alfarið sett undir sömu lög og skilyrði og aðrir togveiðibátar. Þar verði miðað við 3 - 4 sml. eftir stærð fyrir Suðurlandi.

Árborg

*Aðalfundur Árborgar, félags smábátæigenda á Suðurlandi,
haldinn 18. september 2012, samþykkti eftirfarandi:*

1. Árborg beinir því til aðalfundar LS að mótmæla kröftuglega hversu lítill kvóti er gefinn út í ýsu á yfirstandandi fiskveiðiári. Kvótaskerðingin er ekki í nokkru samræmi við ástand ýsustofnsins og mun einungis leiða til vandræða.
2. Árborg ályktar að áhersla verði lögð á að leita allra leiða til að koma í veg fyrir afnám sjómannaafsláttarins.
3. Árborg beinir því til aðalfundar LS að hann hafni alfarið inngöngu Íslands í Evrópusambandið og mótmæli aðildarumsókninni harðlega.
4. Árborg samþykkir að beina því til aðalfundar LS að makrílpotturinn sem ætlaður er til handfæraveiða verði hækkaður í 3.000 tonn eins og hann var í upphafi. Tekið verði tillit til þess að eigendum handfærabáta hefur ekki gefist nægur tími til að útbúa bátana og þróa veiðarnar. Til þess þarf nokkurra ára

svigrúm. Til lengri tíma litið er ekki óeðlilegt að færabátum sé úthlutað 20.000 tonnum á ári.

5. Árborg beinir því til aðalfundar LS að félagið berjist af mikilli hörku gegn þeirri ofurskattlagningu sem stjórnvöld hafa nú lagt á sjávarútveginn og mun smá saman draga allan mátt úr greininni og verða til þess að íslenskur sjávarútvegur mun dragast aftur úr keppinautum sínum erlendis.

Reykjanes

*Aðalfundur Reykjaness, félags smábátæigenda á Reykjanesi,
haldinn 29. september 2012, samþykkti eftirfarandi:*

1. Aflaheimildir til strandveiða verði auknar og að þær skerði ekki aflahlutdeild annarra.
2. Bátar sem veiða á handfæri í krókaflamarki fái keilu, löngu og karfa utan kvóta upp að 15-20% af heildarafla hverrar veiðiferðar.
3. Makrílpottur fyrir handfæri verði að lágmarki 18%, sem er svipað og gerist í Noregi.
4. Vs - afli verði færður til fyrra horfs þ.e.a.s eitt tímabil en ekki 4 eins og er núna.
5. Endurskoða þarf hlutdeild krókaflamarksbáta í ýsu, löngu, keilu og karfa með hliðsjón að veiðum þeirra undanfarin ár.
Greinargerð.
Krókabátar veiða langt umfram úthlutað aflamark í þessum tegundum.
6. Afnema skuli byggðakvóta í núverandi mynd.

7. Klemens Einarsson verði fulltrúi í grásleppunefnd og Haukur Einarsson til vara.
8. veiðidagar á komandi grásleppuvertíð verði ekki fleiri en 40.
9. Reykjanes hafnar algerlega lögum atvinnuvega- og nýsköpunarráðherra um veiðigjöld.
10. Skorar á atvinnuvega- og nýsköpunarráðherra að skila til félagsins álitum um lokun svæðis fyrir togveiðum vestur úr Sandgerði og suður úr Grindavík.
Greinargerð.
Reykjanes hefur í áraraðir farið fram á lokun svæðisins en aldrei fengið skýr svör hvers vegna það er ekki gert.
11. Mótmæla afskiptum umhverfissamtaka af fiskveiðum. Samtökin hafa löngu sýnt að þau hafa litla sem enga innsýn inn í fiskveiðistjórnun og það umhverfi sem íslenskir fiskimenn starfa í.
12. Skora á atvinnuvega- og nýsköpunarráðherra að auka nú þegar aflamark í ýsu vegna mikillar ýsugengdar á grunnslóð.
13. LS láti á það reyna fyrir dómstólum hvort álagning veiðigjalda standist lög.

Báran

Aðalfundur Bárunnar, félags smábátæigenda í Hafnarfirði, Garðabæ og Álftanesi, haldinn 22. september 2012, samþykkti eftirfarandi:

1. Báran beinir því til aðalfundar LS að sett verði á fót nefnd sem fjallar um málefni makrélveiðimanna. Nefndin starfi milli aðalfunda og verði skipuð fimm mönnum sem kosnir eru á aðalfundi. Framkvæmdastjóri LS starfi með nefndinni og sjái um boðun funda.
2. Báran gagnrýnir Steingrím J. Sigfússon harðlega fyrir að fara blint eftir ráðleggingum Hafrannsóknastofnunarinnar að skera niður ýsukvótann.
3. Báran vill að áhersla verði lögð á að leita allra leiða til að koma í veg fyrir afnám sjómannaafsláttarins.
4. Aðalfundur Bárunnar fordæmir ofurskattlagningu á sjávarútveginn sem mun draga allan mátt úr greininni og verða til þess að hann verði ósamkeppnishæfur.
5. Báran samþykkir að stækkun krókabáta verði óbreytt.
6. Báran samþykkir að fækka dögum á grásleppuveiðum en lengja tímabilið sem menn mega velja um.

Reykjavík

*Aðalfundur Smábátafélags Reykjavíkur,
haldinn 17. september 2012, samþykkti eftirfarandi:*

1. Sá afsláttur sem gefinn er af veiðigjaldi og nær nú upp að fyrstu 30 tonnunum verði látið ná upp að fyrstu 100 tonnunum.
2. Eignarhaldsákvæði laga um strandveiðar verði felld út.

Sæljón

Aðalfundur Sæljóns, félags smábátæigenda á Akranesi, haldinn 2. október 2012, samþykkti eftirfarandi:

1. Sæljón beinir því til LS að gera kröfu um að stærsti hluti auðlindagjaldsins fari í að auka kynningu og þar með sölu á sjávarafurðum.
2. Sæljón krefst stóraukins kvóta í makríl.
3. Sæljón lýsir áhyggjum af stöðunni í grásleppumálum. Bregðast þarf við með því að gefa yfirlýsingu um að dregið verði úr framboði á komandi vertíð með því að stytta veiðitímann.
4. Sæljón mótmælir afnámi sjómannaafsláttarins og krefst þess að kjaraskerðingin verði bætt.
5. Sæljón gerir kröfu um að niðurskurður á ýsu verði tekinn til baka og telur forsendur illa grundaðar og afleiðingar varasamar.

6. Sæljón samþykkti eftirfarandi um strandveiðar.
 - a) Byrjunartími á svæði D verði færður fram til 15.mars og skorið aftan af veiðitíma sem því nemur.
 - b) Mögulegt verði að segja sig frá strandveiðum og snúa sér að öðrum veiðiskap.
 - c) Leyfilegt verði að veiða makríl þá daga sem ekki má stunda strandveiðar.
 - d) Sæljón mótmælir gjöldum á strandveiðar. Þau eru mörg hver ósanngjörn og illa rökstudd.

Snæfell

*Aðalfundur Snæfells, félags smábátæigenda á Snæfellsnesi,
haldinn 16. september 2012, samþykkti eftirfarandi:*

1. Snæfell ályktar að ráðgjöf Hafró verði tekin til endurskoðunar og ýsukvóti aukinn.
2. Snæfell fordæmir þau vinnubrögð sem viðhöfð voru við breytingar á veiðitíma í grásleppu fyrir ytra svæði á Breiðafirði. Fundurinn sér engin rök fyrir því að loka ytra svæðinu fyrr en tíðkast hefur á liðnum árum.
3. Snæfell beinir því til stjórnar LS að kanna lögmæti þess að innheimt sé auðlindagjald af sérstakri úthlutun í skötusel.

4. Snæfell kvefst þess að hólf út af Höfða verði opnað, standist mæling á svæðinu.
5. Snæfell samþykkir að reglugerðahólf, sem til eru komin af endurteknum skyndilokunum, séu endurskoðaðar af Fiskistofu árlega.
6. Snæfell ályktar grásleppubátar geti farið á strandveiðar í maí og grásleppu í júní.
7. Snæfell samþykkir að grásleppubátar geti verið með tvö veiðileyfi.
8. Snæfell krefst þess að strandveiðibátar geti róið fjóra daga í viku, 14 klst. hvern dag, 650 þorskígildi á dag, fjórar rúllur og fjóra mánuði, frá maí til ágúst. Svæðaskiptingin verði óbreytt og afli í strandveiðikerfinu skerði ekki veiðiheimildir þeirra sem eru með kvóta.
9. Snæfell ályktar að heimilt verði að segja sig frá strandveiðum í lok 1., 2., eða 3. tímabils og hefja frá þeim tíma aðrar veiðar.
10. Snæfell krefst þess að veiðar á skötusel verði gefnar frjálssar.
11. Snæfell samþykkir að veiðidagar á grásleppu verði ekki færri en 50 á vertíðinni 2013.
12. Snæfell samþykkir að hámarksnetafjöldi á grásleppuveiðum verði 300 stutt net m.v. 2 menn.
13. Snæfell krefst þess að Fiskistofa og Hafró skili skýrslu um meðafla í flottroll.
14. Snæfell telur að rannsóknir Hafró á hrognkelsum séu til skammar og að veiðunum yrði best stjórnað af LS.
15. Snæfell samþykkir að fresta því að taka afstöðu til stækkunarmála þar til niðurstaða er komin í Bíldseyjarmáli.
16. Snæfell krefst þess að krókaveiðar á makríl verði opnar öllum krókabátum og þeim heimilt að veiða a.m.k. 10.000 tonn.

Krókur

Aðalfundur Strandveiðifélagsins Króks, félags smábátæigenda í Barðastrandarsýslu, haldinn 22. september 2012, samþykkti eftirfarandi:

Grásleppumál

1. Strandveiðifélagið Krókur leggur til að gerðar verði breytingar á reglugerð um merkingar veiðarfæra á þann hátt að leyfilegt verði að nota belgi til merkingar á netum að því tilskildu að þeir verði 40 tommur að stærð.

Greinargerð.

Sýnt hefur verið fram á að notkun netabauja á sumum veiðisvæðum hefur reynst illa vegna strauma og því hafa belgir verið notaðir með góðum árangri í áratugi.

2. Strandveiðifélagið Krókur leggur til að upphafstími grásleppuveiða á svæðum B og C verði 1. apríl á komandi vertíð.
3. Strandveiðifélagið Krókur samþykkir að veiðidögum á grásleppu verði fækkað vegna markaðsaðstæðna, svo fremi sem aðrar grásleppuveiðipjóðir geri slíkt hið sama.
4. Strandveiðifélagið Krókur leggur til að hámarksfjöldi neta pr. mann á grásleppuveiðum fari úr 100 netum í 150 net miðað við stutt net en aldrei meira en 300 net pr. bát.

Greinargerð.

Tækniframfarir síðustu ára, t.d. netaniðurleggjari, afdragari o.fl. hefur breytt vinnutilhögun um borð. Einnig hefur aðgerð víðast hvar færst í land.

5. Strandveiðifélagið Krókur krefst þess að rannsakað verði ítarlega hversu mikill meðafli er af grásleppu og grásleppuseiðum við flottrollsveiðar.
6. Strandveiðifélagið Krókur mótmælir öllum afskiptum Hafró af stjórnun grásleppuveiða. Grásleppuveiðimenn eru best til þess fallnir að sjá um sjálfbæra nýtingu stofnsins.

Stækkun krókaflamarksbáta

7. Strandveiðifélagið Krókur mótmælir harðlega öllum tillögum um að stækka hámarksstærð krókaflamarksbáta. Allar slíkar tillögur eru stórhættulegar núverandi kerfi og munu hafa ófyrirsjáanlegar afleiðingar í för með sér.

Strandveiðar

8. Strandveiðifélagið Krókur leggur til að gerðar verði þær breytingar á löggjöf um strandveiðar að afli hvers veiðisvæðis fari eftir fjölda báta.
9. Strandveiðifélagið Krókur leggur til að strandveiðibátur geti sagt sig frá strandveiðileyfi og miðist uppsögnin við mánaðamót.

Makríll

10. Strandveiðifélagið Krókur leggur til að makrílpotturinn verði stækkaður í a.m.k. 10.000 tonn.

Línuívilnun

11. Strandveiðifélagið Krókur leggur til að ályktun frá aðalfundi Króks 17.september 2011 um línuívilnun verði fylgt eftir þannig að öll fiskiskip er stunda dagróðra með línu fái ívilnun án tillits hvort handbeitt sé eða með beitingavél.

Sjómannaafsláttur

12. Strandveiðifélagið Krókur mótmælir harðlega þeirri fyrirætlun stjórnvalda að fella niður sjómannaafslátt.

Auðlindagjald

13. Strandveiðifélagið Krókur styður hugmyndir formanns LS um rannsókn á auðlindagjaldi. Í því sambandi er vísað til samþykktar stjórnar LS frá fundi hennar í júlí 2012:

„Stjórn LS samþykkir að fengið verði lögfræðilegt álit á því hvort sérstakt veiðigjald standist stjórnarskrá og lög. Sé niðurstaða slíks álits að gjaldið standist ekki, mun stjórn LS taka ákvörðun um framhald málsins“.

Reglugerðarhólf

14. Strandveiðifélagið Krókur leggur til að reglugerðarhólf sunnan Látrabjargs verði opnað fyrir færa- og línuveiðum.

Hvalveiðar

15. Strandveiðifélagið Krókur styður veiðar á hval og hvetur stjórnvöld til að fylgja málinu eftir.

Fjarskipti

16. Strandveiðifélagið Krókur leggur til að LS beiti sér fyrir bættum fjarskiptum á norðanverðum Breiðafirði (talstöð og gsm).

Greinargerð.

Í fjarskiptaáætlun 2005-2010 var gert ráð fyrir að langdræg stafræn farsímaþjónusta stæði til bóta á miðum við landið eftir að síminn hætti rekstri NMT kerfisins 1.september 2010. Til að mynda er hálfur Arnarfjörður án gsm-sambands.

Byggðakvóti

17. Strandveiðifélagið Krókur samþykkir að standa beri vörð um byggðakvóta.

Hafró og ýsan

18. Strandveiðifélagið Krókur skorar á stjórnvöld að gangast fyrir því að ráðgjöf Hafrannsóknastofnunar verði tekin til gagngerrar endurskoðunar. Um þverbak keyrði nú síðast þegar stofnunin gaf ráðgjöf varðandi ýsuveiðiheimildir fyrir yfirstandandi fiskveiðiár. Ráðgjöfin er í fullkomnu ósamræmi við daglega reynslu veiðimanna á miðunum. Fundurinn skorar og á ráðherra að stórauka nú þegar ýsukvótann.

Elding

Aðalfundur Eldingar, félags smábátæigenda í Ísafjarðarsýslum, haldinn 23. september 2012 samþykkti eftirfarandi:

1. Elding samþykkir að stærðarmörk krókaafلامarksbáta verði óbreytt.
2. Elding leggur til að VS aflu verði hægt að skipta í þrennt – 40% fari í AVS, 20% fari til útgerðar og áhöfn geti ánaðnað líknarsamtökum, góðgerðarsamtökum eða styrktarsjóðum 40%.
3. Elding leggur til að skorað verði á ráðherra sjávarútvegsmála að auka nú þegar við ýsukvótann að lágmarki upp að 50.000 tonnum.
4. Elding leggur til að makrílpottur handa handfærabátum verði stórauðinn.
5. Elding leggur til að strandveiðikerfið verði með eftirfarandi hætti í framtíðinni:
 - 4 dagar í viku
 - Hver dagur 14 klst
 - 650 þorskígildiskíló að hámarki hvern dag
 - 4 rúllur hver bátur
 - 4 mánuðir á ári
 - Veiðitímabil: maí – ágúst

- Svæðaskipting verði óbreytt
 - Að afli í strandveiðikerfinu verði utan aflahlutdeilda.
6. Elding vill að grásleppuveiðitímabilið verði fært til fyrra horfs sem er frá 15.mars til 1.júlí.
 7. Elding leggur til að við grásleppuveiðar megi notast við belgi í staðinn fyrir baujur við merkingu á gráslepputrossum, séu þeir rétt merktir. Rétt stærð af belg er ekki síðri en bauja. (Nokkurs misræmis hefur gætt hvað menn mega nota. Virðist það jafnvel fara eftir því hvaða eftirlitsmann hittist á).
 8. Elding leggur til að netafjöldi á hvern mann við grásleppuveiðar verði breytt í samræmi við breyttar aðstæður við veiðarnar. Flestir bátar eru komnir með niðurleggjara og margir farnir að láta slægja í landi, þannig að vinnan á sjónum hefur minnkað til muna). Elding vill miða við að heildarnetafjöldinn yrði óbreyttur en að 150 löng net miðist við tvo menn í stað þriggja, ef slægt er í landi og um borð sé spil með afdragara og niðurleggjari.
 9. Elding leggur til að skötuselur verði utan kvóta við grásleppuveiðar.
 10. Elding leggur til að fallið verði frá lækkun steinbítiskvóta.
 11. Elding leggur til að leyft verði að taka 15% af kvóta næsta árs, eins og það er leyft að flytja 15% á næsta ár.

Strandir

Aðalfundur Stranda, félags smábátæigenda í Strandasýslu, haldinn 23. september 2012, samþykkti eftirfarandi:

1. Fundurinn lýsir miklum áhyggjum af því ástandi sem nú þegar hefur skapast í kjölfar hins mikla niðurskurðar í ýsuveiðiheimildum. Í Húnaflóa er gríðarlegt

magn ýsu og sama hvernig reynt er að forðast hana þá er það einfaldlega ekki hægt nema þá að hætta veiðum með öllu.

2. Fundurinn er sannfærður um að Hafrannsóknastofnunin er á algerum villigötum varðandi mælingar sínar á stærð ýsustofnsins. Sú aðferðafræði sem stofnunin notar við þær mælingar stangast á við alla heilbrigða skynsemi. Fyrir það fyrsta er aðferðinni með öllu fyrirmanað að mæla nokkurn skapaðan hlut þegar komið er á grunnslóðina og hvað þá inn á flóa og firði.

Í því sambandi bendir fundurinn á að til margra ára hefur verið himinn og haf á milli mælinga Hafrannsóknastofnunarinnar annars vegar og reynslu sjómanna sem stunda ýsuveiðar á grunnslóð hins vegar. Þekkingu sína byggja sjómenn á áratuga reynslu sinni við störf sín á grunnslóðinni, en vísindamenn á niðurstöðum úr togararalli.

Undanfarin ár hafa krókabátar veitt um fjórðung ýsunnar á Íslandsmiðum, en raunveruleg hlutdeild þeirra er mun lægri. Handhafar þeirra ýsuveiðiheimilda sem dekkað hefur mismuninn nota þær til að leigja frá sér, og þá iðulega svo seint á fiskveiðiarinu að verðið er komið út úr öllu korti.

Það er krafa fundarins að stjórnvöld viðurkenni raunverulega veiðihlutdeild krókabáta í ýsuveiðunum og tryggi þeim hana nú þegar.

3. Fundurinn samþykkir að ekki sé kvikað frá núverandi reglum um stærðarmörk krókaafلامarbsáta.
4. Fundurinn styður hugmyndir grásleppunefndar LS af fundi hennar 7. september sl. varðandi hugsanlegar breytingar á sókn á grásleppuvertíðinni 2013.

Þá mótmælir fundurinn afskiptum Hafrannsóknastofnunarinnar af veiðistjórnun á grásleppu og telur að hún sé engan veginn í stakk búin til að veita ráðgjöf af því tagi sem hún gerir í Fjölríti nr. 163; Ástand nytjastofna á Íslandsmiðum 2011/2012 og aflahorfur fiskveiðiárið 2012/2013.

5. Fundurinn krefst þess að veiðiheimildir til krókaveiða á makríl verði auknar í a.m.k. 10 þúsund tonn á næsta ári.

Skalli

Aðalfundur Skalla, félags smábátæigenda á Norðurlandi vestra, haldinn 1. október 2012, samþykkti eftirfarandi:

1. Skalli samþykkir að stærðarmörk krókaafلامarksbáta verði óbreytt – að hámarki 15 brúttótonn.
2. Skalli tekur undir hugmyndir grásleppunefndar LS þess efnis að dregið verði verulega úr sókn á næstu vertíð.
3. Skalli krefst þess að ákvæði sem fjallar um umvitjun neta verði fellt úr gildi.
4. Skalli leggur til að reglum um netafjölda við grásleppuveiðar verði breytt í samræmi við nýjar kröfur og tækni. Netafjöldi verði óbreyttur en miðaður við tvo menn í stað þriggja hjá bátum sem búnir eru niðurleggjara og grásleppan frá þeim skorin í landi.
5. Skalli tekur undir tillögur nefndar LS um frjálssar handfæraveiðar með þeirri viðbót að hægt sé að segja sig frá veiðunum um hver mánaðamót.
6. Skalli skorar á ráðherra að auka nú þegar veiðiheimildir í ýsu að lágmarki um 15 þúsund tonn.

7. Skalli hvetur ráðherra til að úthluta allt að 20 þúsund tonn til makrílveiða á króka.

Klettur

Aðalfundur Kletts, félags smábátæigenda á Norðurlandi eystra, haldinn 30. september 2012, samþykkti eftirfarandi:

1. Klettur hafnar alfarið frekari stækkun krókabáta.
2. Klettur styður framkomnar hugmyndir um fækkun veiðidaga við grásleppuveiðar á næsta ári, enda sé það hluti af aðlögun veiðanna að markaðsaðstæðum í samvinnu við aðrar veiðipjóðir og stærstu framleiðendur grásleppuhrognakavíars.
3. Klettur skorar á atvinnuvega- og nýsköpunarráðherra að auka nú þegar ýsukvóta í 50 þúsund tonn og hækka hlutdeild krókabáta í 25% af heildarúthlutun sem er í samræmi við veiðar þeirra undanfarin ár.
4. Klettur skorar á atvinnuvega- og nýsköpunarráðherra að auka nú þegar þorskvóta í 230 þúsund tonn, í samræmi við aflareglu.
5. Klettur skorar á stjórnvöld að hætta nú þegar árásum sínum á sjávarútveginn í formi ofurskatta og ofstjórnar og gefa greininni frið til að vaxa og dafna til að takast á í samkeppni við ríkisstyrktan sjávarútveg nágrannaþjóðanna.
6. Klettur styður framkomnar tillögur strandveiðinefndar LS, veiði heimiluð 4 daga í viku, 4 rúllur, 14 tímar, 650 þorskígildi, svæðaskipting óbreytt, enginn hámarksafli enda skilyrt að aflinn verði tekinn utan aflamarks.
7. Klettur ítrekar fyrri ályktanir um línuvinnun til allra dagróðrabáta.

8. Klettur hafnar alfarið aðild að Evrópusambandinu.
9. Klettur skorar á atvinnuvega- og nýsköpunarráðherra að skoða til hlítar þá aðferðafræði að úthluta veiðiheimildum til smábáta í þorskígildum í stað núverandi fyrirkomulags.
10. Klettur skorar á atvinnuvega- og nýsköpunarráðherra að koma á byggðaívilnun í stað byggðakvóta.
11. Klettur hvetur atvinnuvega- og nýsköpunarráðherra að endurskoða þær reglur sem beitt er við úthlutun byggðakvóta til byggðalaga, með það sérstaklega í huga að bæta hag smærri byggðalaga svo og þeirra byggðalaga sem byggja sína afkomu að mestu á sjávarútvegi.
12. Klettur telur brýnt að auka möguleika smábáta í veiðum á makríl með auknum veiðiheimildum til krókaveiða í allt að 20.000 tonn.
13. Klettur skorar á atvinnuvega- og nýsköpunarráðherra að bæta sjómönnum nú þegar upp þá tekjuskerðinu sem þeir hafa orðið fyrir með lækkun sjómannaafsláttar.

Fyrirhugað afnám sjómannaafsláttar mun auka þessa tekjuskerðingu enn frekar og skorar fundurinn á ráðherra að kanna aðrar leiðir í þessu sambandi, t.d. með dagpeningagreiðslum, hærri persónuafslætti eða öðrum sambærilegum skattaívilnunum.
14. Klettur skorar á atvinnuvega- og nýsköpunarráðherra að færa reglur um VS afla til fyrra horfs.
15. Klettur skorar á atvinnuvega- og nýsköpunarráðherra að breyta fyrirkomulagi reglugerðalokana þannig að lokun hólfá falli úr gildi eigi síðar en þremur árum eftir að þau hafa verið ákveðin.

Fontur

Aðalfundur Fonts, félags smábátæigenda á Norðausturlandi,

haldinn 25. september 2012, samþykkti eftirfarandi:

1. Stærðarmörk krókaafلامarbsbáta

Fontur samþykkir að ekki sé kvikað frá núverandi reglum um stærðarmörk krókaafلامarbsbáta.

2. Grásleppumál

- a) Fontur lýsir yfir miklum áhyggjum af ástandi markaðsins fyrir grásleppuhrogn. Enn hefur ekki tekist að selja öll þau hrogn sem féllu til á síðustu vertíð. Skilaboð til grásleppuveiðimanna eru því skýr, minnka verður framboð.
- b) Fontur leggur til að veiðidagar á grásleppuvertíðinni 2013 verði 15 talsins.

3. Strandveiðar

Fontur leggur til að aflamagn til strandveiða verði takmarkað af eftirfarandi þáttum:

- a. eigandi verður að vera um borð
- b. hámarksfjöldi handfærarúlla fjórar
- c. svæðaskipting með óbreyttum hætti
- d. heimilt að veiða fjóra daga í viku - mánudag - fimmtudag
- e. hámarksafli í veiðiferð 650 þorskígildi
- f. hámarkslengd veiðiferðar 14 klukkustundir.

4. Makrílveiðar

Fontur lýsir yfir ánægju með góðan árangur smábáta við makrílveiðar og leggur til að hlutur krókaveidds makríls verði að lágmarki 10 þúsund tonn.

5. Stjórn Hafró

Fontur mótmælir því að hagsmunaaðilar sitji í stjórn Hafró. Meðan óbreytt fyrirkomulag varir krefst aðalfundur Fonts að fulltrúi frá LS komi inn í stjórn Hafrannsóknastofnunarinnar.

6. Auknar heimildir í ýsu

Fontur skorar á SJS að sýna þann kjark að auka nú þegar veiðiheimildir í ýsu.

7. Sjómannaafsláttur

Fontur mótmælir afnámi sjómannaafsláttar og leggur til að hann verði færður til samræmis við það sem hann er í nágrannalöndum okkar.

8. Veiðigjald til markaðsstarfs

Fontur skorar á stjórnvöld að fjórðungur af veiðigjaldi verði varið til markaðsstarfs fyrir sjávarafurðir.

Greinargerð.

Það er mat aðalfundar Fonts að samkeppni fari mjög harðnandi á mörkuðum fyrir sjávarafurðir. Helstu samkeppnisaðilar okkar hafa nú þegar hafið gríðarlega markaðssókn sem gæti leitt til þess að neytendur taki þeirra vörur fram yfir sjávarafurðir héðan.

Fontur telur brýnt að svara þessu strax með auknu fjármagni til markaðsmála